

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-9806/22
Sarajevo, 27.07.2022. godine

1. Na osnovu člana 100. stav 3. Zakona o javnim nabavkama ("Službeni glasnik", br. 39/14) i člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke "Nabavka goriva i maziva za motorna vozila" LOT 1, u Otvorenom postupku, objavljenom u Službenom glasniku BiH, br. 26/22 i Portalu javne nabavke, broj obavještenja 422-1-1-68-3-61/22 od 27.04.2022. godine, postupajući po žalbi ponuđača HIFA – PETROL d.o.o. Sarajevo izjavljene protiv Odluke o izboru najpovoljnijeg ponuđača, br. 02/12-45-9806/22 od 12.07.2022. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Uvažava se žalba ponuđača HIFA – PETROL d.o.o. Sarajevo i stavlja van snage Odluka Općine Novi Grad Sarajevo, br. 02/12-45-9806/22 od 12.07.2022. godine o izboru najpovoljnijeg ponuđača PETROL BH OIL COMPANY d.o.o. Sarajevo, u iznosu od 87.750,00 KM sa PDV-om, u predmetu javne nabavke "Nabavka goriva i maziva za motorna vozila" LOT 1, u Otvorenom postupku, objavljenom u Službenom glasniku BiH, br. 26/22 i Portalu javne nabavke, broj obavještenja 422-1-1-68-3-61/22 od 27.04.2022. godine.
2. Odluka o izboru najpovoljnijeg ponuđača, donijet će se po konačnosti ove Odluke, ponovnim zakazivanjem e – aukcije u sistemu Agencije za javne nabavke BiH u skladu sa dostavljenom listom kvalifikovanih ponuđača, shodno članu 64. stav 1. tačka b) Zakona o javnim nabavkama.
3. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o uvažavanju žalbe i stavljanju van snage Odluke o izboru najpovoljnijeg ponuđača.
4. Protiv ove Odluke dozvoljena je žalba u roku od 5 dana od dana prijema iste.

Obrazloženje

Postupak javne nabavke – "Nabavka goriva i maziva za motorna vozila" LOT 1, pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama u Otvorenom postupku, objavljenom u Službenom glasniku BiH, br. 26/22 i Portalu javne nabavke, broj obavještenja 422-1-1-68-3-61/22 od 27.04.2022. godine.

Izveštajem i preporukom Komisije za javne nabavke, br. 02/12-45-9806 od 24.06.2022. godine izvršena je evaluacija ponuda, računska kontrola i zakazana e – aukcija u sistemu javnih nabavki Agencije za javne nabavke BiH.

Nakon provedene e – aukcije utvrđena je konačna rang lista ponuđača, te je Izveštajem Komisije za javne nabavke, br. 02/12-45-9806 od 04.07.2022. godine data Preporuka za donošenje Odluke o izboru najpovoljnijeg ponuđača PETROL BH OIL COMPANY d.o.o. Sarajevo.

Na osnovu navedene Preporuke, donešena je Odluka o prihvatanju kao najpovoljnije ponude PETROL BH OIL COMPANY d.o.o. Sarajevo sa ponudenom cijenom u iznosu od 87.750,00 KM sa PDV – om, br. 02/12-45-9806/22 od 12.07.2022. godine.

Protiv navedene Odluke ponuđač HIFA – PETROL d.o.o. Sarajevo izjavila je žalbu, dana 25.07.2022. godine.

Postupajući u skladu sa članom 100. Zakona o javnim nabavkama, Komisija je Izveštajem br. 02/12-45-9806 od 26.07.2022. godine konstatovala da je ista blagovremena, dopuštena i izjavljena od ovlaštenog lica, te je u daljem postupku izvršila razmatranje navoda žalbe cijeneći da su isti osnovani.

Naime, žalbeni navodi da su na stranici ponude izabranog ponuđača, redni broj 23., obrazac za cijenu ponude u Aneksu 3. vršene ispravke korektorom i to na način da je korektorom korigovana cijena na obrascu pod rednim brojem "5. ulje za podmazivanje, 3,69", gdje je navedena jedinična cijena ispravljena korektorom, suprotno tački 4.1.4. tenderske dokumentacije, a kojom je propisano da "Ponuda se izrađuju na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke...."

Komisija je takođe utvrdila i osnovanost navoda žalitelja koji se odnose na popunu obrasca za cijenu ponude – Aneks 3. koji izabrani ponuđač nije popunio na način da navede proizvođača robe, tip, vrstu ili klasu ili original u rubrici za artikal pod rednim brojem 6. Ad Blue koji uopće nije popunjen, a ostale rubrike za artikle pod rednim brojem 1 i 2 "Euro dizel (Bas en 590 10 ppm), Premium bezolovni benzin 95 (Bas en 228) upisano je samo "PLOČE", što nije u skladu sa tenderskom dokumentacijom.

Imajući u vidu da su žalbeni navodi osnovani, to se ponuda izabranog ponuđača PETROL BH OIL COMPANY d.o.o. Sarajevo odbacuje, shodno članu 68. Zakona o javnim nabavkama.

Shodno navedenom, Komisija je pristupila ponovnoj evaluaciji ponuda, te je konstatovano sljedeće:

- Da su Zapisnikom sa otvaranja ponuda od 19.05.2022. godine zaprimljene četiri ponude:
 1. HIFA PETROL d.o.o. Sarajevo sa ponudom od 95.818,79 KM sa PDV- om,
 2. BAUCOMERC d.o.o. Kiseljak sa ponudom od 96.405,37 KM sa PDV – om,
 3. HIFA OIL d.o.o. Tešanj sa ponudom od 98.871,79 KM sa PDV – om,
 4. PETROL BH OIL COMPANY d.o.o. Sarajevo sa ponudom 92.628,09 KM sa PDV – om.
- Da je ponovnom analizom pristiglih ponuda utvrđeno da ponude ponuđača HIFA PETROL d.o.o. Sarajevo, BAUCOMERC d.o.o. Kiseljak i HIFA OIL d.o.o. Tešanj ispunjavaju uslove specificirane tenderskom dokumentacijom, dok ponuda ponuđača PETROL BH OIL COMPANY d.o.o. Sarajevo ne ispunjava propisane uslove.
- Da ponuda ponuđača PETROL BH OIL COMPANY d.o.o. Sarajevo ne ispunjava uslove iz Tačke 4.1.4. tenderske dokumentacije, obzirom da su ispravke u ponudi na stranici 23., obrazac za cijenu ponude - Aneks 3. vršene na način da je korektorom korigovana cijena – ulja za podmazivanje gdje je navedena jedinična cijena 3,69, suprotno tenderskoj dokumentaciji i Uputstvu za pripremu modela tenderske dokumentacije i ponuda ("Službeni glasnik BiH, br. 39/14), a koje su trebale biti izrađene na način da su vidljive i potvrđene potpisom ponuđača, uz navođenje datuma ispravke, te da stavke u Aneksu 3. Tenderske dokumentacije pod rednim brojem 1., 2. i 6. nisu uopšte popunjene ili su popunjene nepravilno.

Obzirom da je izabrani ponuđač u svojoj ponudi postupio suprotno tenderskoj dokumentaciji i navedenom Uputstvu, te se njegova ponuda odbacuje.

Kako je tačkom 1.5.6. tenderske dokumentacije predviđeno provođenje e – aukcije, Komisija je pripremila početnu rang listu ponuđača za provođenje ponovnog postupka e – aukcije u sistemu javnih nabavki Agencije za javne nabavke BiH, kako slijedi:

1. HIFA PETROL d.o.o. Sarajevo sa ponudom od 81.896,40 KM bez PDV- a,
2. BAUCOMERC d.o.o. Kiseljak sa ponudom od 82.397,75 KM bez PDV - a,
3. HIFA OIL d.o.o. Tešanj sa ponudom od 84.505,80 KM bez PDV – a.

Imajući u vidu navedeno, na Preporuku Komisije za javne nabavke roba i usluga, shodno članu 100. stav 3. Zakona o javnim nabavkama, to se uvažavaju navodi žalbe i Odluka o izboru najpovoljnijeg ponuđača stavlja van snage.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

